

梅花诗词集锦大全

1.万树寒无色，南枝独有花。——道源《早梅》

2.
姹紫嫣红耻效颦，独从末路见精神。溪山深处苍崖下，数点开来不借春。
。——宁调元《早梅》

3.
翦横枝，清溪分影，翛然镜空晓。小窗春到。怜夜冷孀娥，相伴孤照。古苔泪锁霜千点，苍华人共老。料浅雪、黄昏驿路，飞香遗冻草。行云梦中认琼娘，冰肌瘦，窈窕风前纤缟。残醉醒，屏山外、翠禽声小。寒泉贮、绀壶渐暖，年事对、青灯惊换了。但恐舞、一帘胡蝶，玉龙吹又杳。——吴文英《花犯·谢黄复庵除夜寄古梅枝》

4.
非关癖爱轻模样，冷处偏佳。别有根芽，不是人间富贵花。谢娘别后谁能惜，飘泊天涯。寒月悲笳，万里西风瀚海沙。——纳兰性德《采桑子·塞上咏雪花》

5.向消凝里，梅开半面，情满徐妆。——史达祖《夜合花·柳锁莺魂》

6.
与梅岁岁有幽期，忘却如今两鬓丝。乘淡月时和雪看，斲苍苔地带花移。先春瘦损应多恨，静夜香来更一奇。醉倒栏边君勿笑，明朝红萼缀空枝。——陆游《山亭观梅》

7.
云锁嫩黄烟柳细，风吹红蒂雪梅残。——阎选《八拍蛮·云锁嫩黄烟柳细》

8.前村深雪里，昨夜一枝开。——齐己《早梅》

9.春事到西湖，处处梅花笑。——吴潜《卜算子·春事到西湖》

10.

梅岭花初发，天山雪未开。雪处疑花满，花边似雪回。因风入舞袖，杂粉向妆台。匈奴几万里，春至不知来。——卢照邻《梅花落》

11.

学得汉宫妆，偷传半额黄。不将供俗鼻，愈觉更清香。——吕本中《腊梅》

12.

开时似雪。谢时似雪。花中奇绝。香非在蕊，香非在萼，骨中香彻。占溪风，留溪月。堪羞损、山桃如血。直饶更、疏疏淡淡，终有一般情别。——晁补之《盐角儿》

13.

一树寒梅白玉条，迥临村路傍溪桥。应缘近水花先发，疑是经春雪未销。——戎昱《早梅》

14.席上梅花开胜雪，寒香尽足慰飘零。——仇远《岁除志喜》

15.

风号紧紧闭柴门，榾柮炉边了不闻。窗外月明谁是主，输渠梅竹自平分。——杨公远《冬夜次南仲韵》

16.

有梅无雪不精神，有雪无诗俗了人。日暮诗成天又雪，与梅并作十分春。——卢梅坡《雪梅·其二》

17.

绝讶梅花晚，争来雪里窥。下枝低可见，高处远难知。俱羞惜腕露，相让道腰羸。定须还剪采，学作两三枝。——萧纲《雪里觅梅花》

18.

昨夜东风转斗杓，陌头杨柳雪才消。晓来一树如繁杏，开向孤村隔小桥。应是化工嫌粉瘦，故将颜色助花娇。青枝绿叶何须辨，万卉丛中夺锦标。——元淮《立春日赏红梅之作》

19.候馆梅残，溪桥柳细。——欧阳修《踏莎行·候馆梅残》

20.

水晶欲刻鸳鸯翅，金粉私裁蛱蝶衣。记得小楼熏被夜，梦回宫烛照横枝。——曾习经《腊梅诗》

21.

寒柳翠添微雨重，腊梅香绽细枝多。平津万一言卑散，莫忘高松寄女萝。——薛逢《奉和仆射相公》

22.空自忆，清香未减，风流不在人知。——李邕《汉宫春·梅》

23.

庭院深深深几许，云窗雾阁春迟。为谁憔悴损芳姿，夜来清梦好，应是发南枝。玉瘦檀轻无限恨，南楼羌管休吹。浓香吹尽有谁知，暖风迟日也，别到杏花肥。——李清照《临江仙·梅》

24.

幽姿不入少年场。无语只凄凉。一个飘零身世，十分冷淡心肠。江头月底，新诗旧梦，孤恨清香。任是春风不管，也曾先识东皇。——陆游《朝中措·梅》

25.

长愁花易天，倏被风吹尽。因爱雪花飞，枝头巧相映。——方蒙仲《宜雪梅》

26.

一袭素衣明月白，几回绮梦暗香黄。忽听人呼香雪海，也能幽处也能狂。——何永沂《白梅》

27.

众芳摇落独暄妍，占尽风情向小园。疏影横斜水清浅，暗香浮动月黄昏。
。——林逋《山园小梅》

28.

竹篱巴外野梅香，带雪分来入醉乡。纸张独眠春自在，漫劳车马笑人忙。
。——陈道复《画梅》

29.

暖雨晴风初破冻，柳眼梅腮，已觉春心动。——李清照《蝶恋花·暖雨晴风初破冻》

30.雪藏梅，烟著柳。依约上春时候。——晏殊《更漏子·雪藏梅》

31.

雪虐风饕愈凛然，花中气节最高坚。过时自合飘零去，耻向东君更乞怜。
。醉折残梅一两枝，不妨桃李自逢时。向来冰雪凝严地，力斡春回竟是谁？
——陆游《落梅》

32.

榾柮烟消纸帐温，梅花雪影共黄昏。兴来我欲閒相访，分付奚童莫掩门。
。——何塘《梅雪卷二首·其一》

本文链接：<https://duanjuziku.com/duanjuzi/1hozigy8y5.html>